

Ն Ո Ր Գ Ր Ք Ն Ր

ԱՍԱՅԻ ՆՁԵՅԻ — «Վերլուծութիւն Բերականուրեան», աշխատասիրությամբ՝ Լ. Դ. Խաչերյանի, Հայկական ՍՍՀ գիտությունների ակադեմիայի հրատարակչություն, 1966 թ., տպաքանակը՝ 1000, 208 էջ, գինը՝ 1 ո. 14 կոպ.:

Այս աշխատությունը Սոսյի Նչեցու մատենագիտական ժառանգության ամենակարևոր երկն է, որը ստեղծվել է 1307 թվականից առաջ: Այն առաջին անգամ գիտական շրջանառության մեջ է գրվում քննական բնագրով՝ պատրաստված 15 ձեռագրերի համեմատության հիման վրա:

Գրքի պատասխանատու խմբագիրն է Ա. Ա. Աբրահամյանը:

«ՀԱՅԵՐԻ ԳԵՆՈՑԻԴԸ ՕՍՄԱՆՅԱՆ ԿԱՅՈՐՈՒԹՅԱՆ ՄԵՋ» (Փաստաթղթերի և նյութերի ժողովածու), Հայկական ՍՍՀ գիտությունների ակադեմիայի հրատարակչություն, 1966 թ., տպաքանակը՝ 8000, 562 էջ, գինը՝ 2 ո. 32 կոպ.:

Ժողովածուն լույս է տեսել ուսերեն լեզվով և բովանդակում է 245 փաստաթուղթ, որոնք մերկացնում են հայ ժողովրդի նկատմամբ Թուրքիայի ղեկավար շրջանների վարած ջարդարարական քաղաքականությունը: Այն բաղկացած է երկու սասից՝ «Հայերի ջարդը Արդու-Համիդ սուլթանի օրոք (1876—1908 թթ.)», և «Արիտթուրքերի կողմից հայության զանգվածային կոտորածը (1909—1918 թթ.)»:

Ժողովածուի նյութերի հիմնական մասը տպագրության է պատրաստել ակադեմիկոս Մ. Բ. Ներսիսյանը, որը և գրել է դրքի առաջաբանը: Նյութերի մի մասը պատրաստել է պատմական գիտությունների թեկնածու Ռ. Սահակյանը: Գրքում բերված են ինչպես ուս, այնպես էլ արևմտաեվրոպական առաջավոր գործիչների վկայություններն ու կարծիքները գենոցիդի վերաբերյալ:

Ժողովածուի շատ փաստաթղթեր հրապարակվում են առաջին անգամ:

Կ. Ս. ԿՈՋՄՈՅԱՆ — «Ալավերդի», Հայկական ՍՍՀ գիտությունների ակադեմիայի հրատարակչություն, 1966 թ., տպաքանակը՝ 1000, 228 էջ, գինը՝ 55 կոպ.:

Մենագրության հեղինակը պատմական վավերագրերի, ինչպես նաև իր հավաքած փաստական հարուստ նյութերի հիման վրա շարադրել է Ալավերդի քաղաքի, նրա բանվոր դասակարգի հեղափոխական պատմությունը:

Գրքի հիմնական մասը նվիրված է սոցիալիստական Ալավերդու ժամանակակից պատմությանը, նրա բնակիչների աշխատանքային առօրյային: